

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXXIII

urn:nbn:de:bsz:31-97032

tur. Iohann. Francisc. Vlmus lib. 1. de occult. in re Medica facult. c. 8.

C A P U T XXXIII.
DE PLATANO, POMIS,
& Arbore PATER NO-
STER dicta.

Platano tantum honoris olim tributum Romæ, ut diu mero radicibus infuso nutritæ sint. In Insula Creta est una nunquam folia dimittens. Plin. l. 12. c. 1. Clara vero in Lycia, itineri apposita, domicilii modo cava octuaginta atque unius pedum specu, numerose vertice, & se vastu protegens ramis, arborum inflar, agros longis obtinens umbra; ac ne quid desit speluncæ imagini, saxeæ intus crepidinis corona muscosos complexa pumices: tam digna miraculo, ut L. Mutianus ter consul prodendum etiam posteris, putarit, epulatum intra eam se cum duodecimo comite. Poma si hyeme cum uvis asserventur, ita eas suo sapore viuant, ut statim marcore conficiantur. Fertur mulierem prægnantem, Cydonia poma si elitaverit, parturam infantem & industrium & ingeniosum. Citria vestes à blattis & tineis servant. Quantum contra venena faciant, ex exemplis apud Athenæum cognoscitur. Objectos aspidibus quosdam Citrium vindicavit à morte. Servantur diutius incorupta, si hordei vel milii obruantur acervis. Valere ad scabiem, si per medium sectas, & tenuissimo sulfuris pulvereaspersa, nec non ferventi calefacta cinere, corpori scabioso affliccentur. At poma Sodomitica pulcherrima visu sunt, attacta vero in cinerem abeunt. Solin. c. 36. In Hispaniola est arbor *Pater noster* dicta; fructus nucis avellanæ magnitudine. Huic si fervens superfundatur aqua, inque ea lineus vel laneus obversetur pannus, maculis extensis præstat egregie, nimia vi tamen corrudit. Ovetan. l. 9. c. 1.

K

C A P U T